

建
文
書
法
儼

建文書法擬序

嘗聞信傳信疑傳疑史體也
疑而信則非闕文信而疑則非實
錄於史何當焉孔子作春秋定哀
多微詞然特徵之已耳未嘗併
其微詞而削之也夫統系甚明名
義甚止順天應人灼乎古今大經

而奚以傳疑為此宋生鷺書法假
之所為作也哉

高皇帝神武開基非神武如

成祖莫之善述 文皇天授少帝何尤

固昔之篤論矣唯是諸臣殉義
過激致干嚴譴有革除年號議

要非

成祖本心宮中火起業以天子禮葬庸
詐天子其禮不可天子其視者彼
食其祿自盡其心大哉 王言未
嘗終怒其臣矣而寧必竟沒其君
乃孫蒙祖號餘二百年令洪武戊
寅以後永樂終未以前民若無君
國幾無史傳信謂何則亦因仍之

過也

今上御極首詔表忠人得頌言注了而
革除從故尚未議復鷺慨焉興
懷私述所聞發凡起義作建文
書法儼一編補史之缺第未出會
上允諸臣之請建文事蹟仍書年號附
太祖本紀之後鷺幸不諱之時身親

見之喜而卒業既有年矣頃過予
齋中索言為多余嘗濫史局觀金
匱之藏知洪武

實錄累修於永樂間當時舊文半從
改竄蓋一時翊戴之臣貶損前人
自為已地即彭惠安哀江南詩少
槩見也夫湯武之濟時夷齊之殉

義共炳天壤間何秉筆者自為疑
畏且並為其主而疑畏焉惑亦甚矣
建文景泰南面臨民而本紀不立祇
從附載未是正也余屢請于當事者
額而未果賢以布衣常帶之士忠
義感結奮而著書博收約出寬
嚴得衷以校往牒殆無遺憾藉

令鷺遭時遇主其不為依阿苟
容而以直道自見可知惜哉其以
山居學道逃隱也

萬曆乙卯秋日石渠舊史焦竑撰

建文書法擬序

萬曆甲午冬吳諸生臣朱鷺輯建文書法擬成
以屬臣序臣未遑也明年乙未秋九月

上俞言官請復建文年號中外歡頌

明聖臣更諗鷺子言信而志行矣幸當不諱朝無事
名山之藏書可出乎鷺唯唯復從校定臣叔陽
敬序簡端序曰臣聞之馬遷云孔子作春秋隱
桓之間則彰定哀之際則微後世治史鮮知微
彰之義如且鷺茲輯書法於微彰何居亦嘗原
極春秋所以修乎春秋何始隱說曰賢讓君而

昉東遷也。臣謂不然。魯裔公旦名秉周禮春秋二百餘年間篡殺國有而鐘巫之禍魯不幸寔為天下嚆矢。天既巧借彭生報隱而無僖以還鮮正始終周公其衰階厲何自托始。惟隱蓋傷宗國悲王道不啻三致意焉。是春秋以微終始爾。延隱桓之間尤微之微也。馬遷第用是自况於春秋何當矣。然仲尼修春秋不筆而微。今臣驚輯書法幸而則彰何也。竊嘗論世於壬午雅無兩事微也哉。

高皇手奠清寧磐石萬世然而難乎為繼

建文即令主於紹

高或忝也天啟神武以守兼創寔在

文皇藉由建文之治無變恭己雍頌漆稅禮樂將景
隆相孝孺貳心之夫壇兵於外服古迂儒從容
蠹蝕其內金甌能晏然至今日否師備靖難或
疑無難可靖是不睹善述為功而忘二百年治
安賜也謂

文皇奮自藩服未免逆取亦念殺機先發彙繇齊黃
膚剝鬲貴業難駢首就縛歟又或謂是不當夷
故主且至夷其年以滅迹也嘻金川破大內火是

固無如何矣設

建文弗孫弗崩不解以故邱空名優老之乎惟負宸
夾輔或非其情而何必一夫是夷至於革除紀
年亦勢或激之燕固藩支猶

高帝親胄也以親以賢纂服天授而父舉國矢死抗
之抗之節偉其重

文皇之疑與怒則深矣至使西洋訪三羊殆終身廩
廩焉為此以重絕人望非得已也令榆木之駕
終返安知不徐議修復乎遠易世而無能伸茲
請則諸臣罪也熙宣當事臣有非建文之遺者

乎請之其以貳心故主嫌而寧令泯泯也則諸
臣罪也今年許復矣史行有緒矣茲輯不贅與
固也逸事之蒐不遺力也整焚合散酌寬衷嚴
殫厥心也且不自揆夙嘗志

昭代史事浮湛膠序上方筆札曠若有待乃鷺能
先臣奮成是書然臣間與鷺論鼎革之際鷺諸
所持議臣率無以易也其尤知言者曰大哉

文皇帝之烈於前有光焉然迄今一二曲士或妄擬
以湯武慚德徒以革除故也敢謂正名莫如追
帝追帝必先復年儻

聖明終採末議次第修舉臣不寧報

建文寔藉手克報

文皇帝矣臣惟以此信鷺而鷺以此信天下萬世若
謂鷺猶然弥縫闕失陰陽其論非臣所知也至
鷺有史才讀書法者足自知鷺臣何贅焉臣樂
為揚厲 謨烈而已鷺同郡州莽臣欽叔陽稽
首序

建文書法儼本引

臣鷺儼建文書法句侍臣父讀發志繼感

高皇帝寔授四字奮輯成編已遭遇

今皇帝允復建文年號盛德事而書始出歷季二十
歷葉八易崎嶇憂違窮頓儼舂負米之日而鬼
之討之緝之整之斧之蒸之矻矻乎其無寧力
鷺竊不自知其爲何心然鷺初意直在

建文年耳建文不失尊號

文皇不失顯名前後無嫌統紀甚正誠不宜一日緩
者幸復矣二百年來人懷削號之疑士切還年

之望不意一旦身親見之驩慰何極而書卒不
棄去者何臣驚蓬心未盡尚紆三端耳夫北平
發難非先動也計

高皇帝崛起濠布衣危身血戰以收四海垂三十餘
年大定矣而行壞於紛紛變更日尋削奪諸不
諳練之躁臣而禍又迫躬不兩存之執也故不
得已起兵靖難天下後世其誰曰不然

建文既孫去不可以

高皇帝天下付非其人義不得小自立天下後世又

誰曰不然

文皇帝之心既足信于天下後世而天下後世果賴
文皇帝徙鼎力以奠寧迄今若是則

文皇功德不在

太祖下而何有於建文體貌之存不存其存之

文皇不遽貶榮其削之

文皇不藉增重則亦存之以信萬世已矣臣驚竊謂
自壬午六月以前書必內建文而可往來僞謂
概無所事微諱爲昔唐太宗除建成而史微其
詞太宗曰周公誅管蔡以安周季友鴆叔牙以
存魯朕所爲類是何諱焉可直書其事豈以

文皇帝法天顯比之智顧出唐宗後乎書法稍降春
秋義而用其通可已必若內靖難外建文未尊
先躋未孫先紘踵冠而頂履其誰能是之是載
筆者之任也嘗儼供執受耳建文亡國無大變
祖法削

親藩兩事案而書之今日廢某王更某事明日更
某事廢某王若死其

祖若刃其支亦既足振暴其臯而靖難非無備矣迺
靖難錄等書汙蟻建文若總千古之惡擢髮不
足以數者當時孝友懿行勤恤嘉理槩從滅沒

不少載是乃大傷

高皇帝傳位之明而俾建文抱冤詬千載下莫昭雪也驚聞之信傳信疑傳疑史體然矣舉大瑕不掩其細瑜夫太盛德事乎驚故摻其足予者與貶奪並存萬世下讀而太息曰夫以建文之質之嫩也而用人一不當坐兩事而亡也忽焉不足垂永戒乎屬載

高廟實錄中者經革除後點竄又難馮以為案矣諸建文死節臣出前古未有蓋胡運休正氣激適符

高皇帝德化之速關係一代風俗甚大

文皇且與

建文共之矣最著曰方陳練鐵十餘臣至今長干人道之有泣下者而

正史中載方曰叩頭乞哀顛誣若爾猶謂具心腎肺腸者秉筆乎哉故知非出

文皇心而秉筆諸人忍殺他以自寬也此所謂覩然人面獸息而禽行甘沉淪永劫不出者也夫我皇上初年詔曰革除諸臣甘蹈刑戮有死無二皆我高皇帝儲養忠臣義士用

褒表錫錄一一推

皇上此心宥令諸臣有一人不獲揚芳史冊者乎洗
誣出匿畢昭

正史無使蒙冤筆下埋照千秋驚所願于

今日又其一矣至驚論贊種種無非取備勸懲錫
一己之識力以疾當陸班馬橫管芟鋤非所敢
望也亦曰無負曩時侍讀冥授兩因已耳不知
驚者謂驚何求儻或有牛鼎之意乎則大亡耻
矣驚請矢諾

天日萬曆歲甲辰春三月朔日吳郡學博士弟子負

臣朱鷺惶恐稽首書

兩因

幼侍臣父國祥讀見靖難錄几上舉問父父道
洪建永熙事歷歷如掌鷺自是喜獵

國朝書多借讀每至建文逸事輒為動時時手錄
之妄擬獲對

大廷首以復革除請不意河清難俟鴻漸無期臣
父業老於儒而臣又將以儒老一編野成聊寄
初志然鷺書甫就而

復年適遘亦足竒也一

萬曆甲午候試金陵偕友王在公弘濟寺祈禱
在公得火龍渡江北驚夢躡身白月天朗徹下
方世界已忽被

高皇帝命授臣四金字曰一朝表譜放榜日在公中
解額驚無聊散步憶前夢白月北出世當學道
一朝殆指建文嚮所志也歎不解表譜義即日
閉即戶州小奏旦走謁

孝陵丹垣外叩首熱之祈

默啓復建文年夜報夢

高皇見大身天顏甚和悻覺而驚喜不自昧謂草

莽一念何遽能假

皇祖在天之靈其冬書法廡成冠以年表及諸臣譜
則恍然悟表譜二字着落明年九月

皇上復革除之旨下矣神哉

高皇帝之諭蓋先見也二然醫成書不寧唯是兩因
故進取途賒決意長隱副學道非一編備史采
亦云不虛二十餘稔青衿公案或少裨

聖化萬一當杪忽功朽耳醫同日識

建文書法擬總目

徵攷書目

述盛德十條

述公議六條

書法擬十六義

建文皇帝年表一

建文諸忠臣譜一

前編

紀生年至卽位年
小論五贊一

冊皇太孫小論

止諸王臨葬小論

燕王入臨小論

革冗員省州縣小論

執廢周王小論

魏國公父子贊

正編上下

紀元年至四年六月
贊四論十二

建文皇帝贊

建文謚饗論

建文年號論

更定官制小論

卜萬陳亨小論

諭誠北征將士小論

罷畱齊黃小論

諸武弁叛走燕小論

王省陳思賢贊

書饗廟小論

夾河風沙小論

貽書燕世子小論

皇少子小論

建文出亡不歸論

葉希賢諸公合贊

龔儲兩戍卒贊

革除建文年號論

附編

刪述詩論叙贊六十一
著詩二贊三談一

江上老人詩一聯

鄭端簡公論二銘一

鄭履淳敘一

袁黃主德跋一

王世貞建文還國辨

許相卿五忠傳敘略一

彭從吾臨江詞一

王詔贊九

王世貞贊敘全

敖英贊二

尹直贊四

謝鐸贊二

韋裘贊十

陳建贊一

許有穀悼后詩

楊福贊一詩一

魏澤詩一

汪太常論九

外史齊泰斷一

楊儀黃姚合贊

題練子寧自靖祠詩一

練子寧謁余忠宣祠詩一

書胡閏鈔遺冊後一

沈鉉胡家橋哀猿紀異一

程朝京榜文紀異一

陳昌積贊一

馮時可贊一有序

屠叔方朝野彙編序略一

陳繼儒朝野彙編序一

欽叔陽詩二

弔黃給諫墓詩一

王賓贊一

路馬

景清贊一

補人
正編

過金陵弔方正學諸臣詩一
鷺

王世貞魏國公輝祖贊一

李贄贊三

焦竑忠節錄叙全

焦竑黃侍中墓祠記略

黃應登方正學墓祠詩黃侍中墓祠詩

湯顯祖方正學塋臺詩

黃時雨豁成紀事

徐良彥文移一

錢謙益

登報恩塔詩墓祠詩

忠臣譜詩

鷺

擁絮迂談

鷺

徵攷書目

洪武實錄

永樂實錄

天順實錄

今萬曆邸報

許相卿革朝志

鄭端簡公吾學編

讀遜國紀小論附目後

袁顯主德篇

永樂初年稿

汪宗伊表忠錄

萬曆初年

革除編年

革朝遺忠錄

張芹革除備遺

林塾名臣錄

黃佐革除遺事

宋立齋端儀閑錄

立齋革除續錄

損齋備忘錄

失姓

王詔奇祕錄

欽錄簿

教坊錄及文簿

革除前攷

建文君臣逸事

建文遺蹟

史仲彬致身錄

建文逸錄

憲章錄

應天志及諸郡邑志

震澤長語及紀聞

餘冬稿

傳信錄

水東日記

皇明野史

孤樹褻談

菽園襍記

吳中徃哲兩記

吳中先賢錄

皇明帝后紀略

二忠錄

三朝聖諭

姜氏祕史

鴻猷錄

資治通紀

聖政紀

靖難錄

靖難功臣錄

石田客坐新聞

敖英襟言

陸采史餘史翼

杜允勝史餘

隨志上冊

姓氏不詳

袁袞皇明獻實

王世貞文部及別集王世懋外乘

許有穀存褒什

楚僧玉乳閑談

實楊夢昇等

陸延枝說聽

焦氏澹園集

張朝瑞忠節錄

黃應登表忠彙錄

明興襍記

開國功臣錄

名臣言行錄

何孟春續錄

馮汝弼補遺

一統志

屠叔方建文朝野彙編

內得南京貼黃冊錦衣衛監簿勘合底簿鄱陽

軍冊及群忠事略臨江集白下紀聞史彙忠義流芳金鼓玉振蓬軒類紀俱未觀其全

陳繼儒史待

闕此未及采入後出故

附讀遜國紀小論曰鹽官鄭端簡公吾學編

猶西漢司馬子長之有史記可謂鉅筆然其紀建文以遜國非也標之以遜國而建文不得列于帝紀矣名僂甚美而害于義顧曾不

如仍革除革除雖害實固在也

今天子允復年號而

建文依然一朝矣真

大聖人作為瞻仰萬代惜乎曉不及見之驚識

徵攷書目

述盛德十條

伏覲

今皇帝前後兪旨歡頌

盛德因并述

先朝盛德次列如左

一

成祖文皇帝入宮詢

建文帝所在宮人指

后屍

以應

文皇伏屍而哭用天子禮葬之八月得

建文朝封事千通命解縉等檢閱兵食事宜畱

覽涉犯者悉焚不問十一月賊臣都御史陳瑛

請治建文諸死事臣

上曰彼食其祿自盡其

心勿問又曰諸臣盡忠于

太祖故盡忠于建文朕但惡其誘亂成法耳十一年正月敕法司解建文禁令自此波及姻黨漸次獲宥二十一年十一月則盡赦諸死義家于是言建文時事者稍稍出矣

仁宗昭皇帝卽位日劄諭禮部尚書呂震曰建文臣家屬發教坊司錦衣衛浣衣局習匠功臣家奴今有存者既經大赦並宥爲民給還田土又諭群臣若方幸孺輩皆忠臣詔從寬典于是天

下始敢僱諸死義爲忠臣云 御讓

長陵碑文僱 皇考駐師金川門遣人奉章言不得已起兵之故聞宮中火起疾發人往救不及

皇考痛悼曰臣之來也固將清君側之惡用寧邦家何不寤邪建文君雖追廢猶書其沒曰崩當其在位必尊之曰朝廷

一

英宗睿皇帝復辟之年憐建庶人吳庶人久繫非罪謂李賢曰親親之義實所不忍文達叩首對曰陛下此念天地鬼神實臨之 太祖在天之

靈實臨之堯舜存心不過如此遂白 太后遣
中官出之居鳳陽聽其出入自便仍令婚娶或
沮 上以他虞 上曰有天命者任自爲之

孝宗敬皇帝朝中台人繆恭上六事其一紀絕屬請
封建庶人後爲王奉祀懿文太子通政司官見
奏大駭繫恭兵馬司獄劾上待命 詔勿罪又
給事中金谿吳世忠請表祠方孝孺周是修練
子寧輩亦勿罪

世宗肅皇帝十四年給事中雲南楊傑請表揚建文諸忠臣下禮部議未果行

今皇帝御極年七月二十八日騰黃

皇帝詔內一款曰一革除間被罪諸臣忠于所事甘蹈刑戮有死無二此皆我

太祖高皇帝所儲養忠臣義士我

成祖文皇帝當時亦有練子寧若在朕猶當用之之語是諸臣罪雖莫赦心實可原朕今仰遵我

聖祖遺意褒表忠覲激勵臣節詔書到日各地方

有司官查諸臣生長鄉邑或特爲建祠或卽附
本處名賢忠節祠歲時以禮倣祭其墳墓苗裔
儻有存者厚加恤錄

時允閣臣張議

萬曆十二年廣東道監察御史屠叔方奏爲忠
臣已褒外親未宥懇乞

聖恩推廣 明詔大慰忠靈以培 聖代綱常事

臣等登極首詔革除諸臣云云

見前

詔下之日四海臣

民無不踴躍但思表忠竟尚屬未盡蓋忠臣
旣沐建祠其交遊至今遠戍苗裔已蒙恤錄其

姻黨猶蔽覆益則夫波及軍丁一體放赦今日
所當汲汲者又伏思 詔云生長鄉邑特爲建
祠此則府州縣專祠之設似爲不可闕也又云
修治墳墓恆錄苗裔此則責實之典似又不可
緩也乞 敕該部通行直省著令有司軍衛備
查前項云云頒行勘合立限銷完俾得布我
皇上實意慰忠冤義鬼于二百年前卽天下後世臣
子生于其鄉守于其土者感奮無窮矣奉
聖旨該部知道欽此欽遵

一

二

是年三月六日兵部尚書張學顏覆云云今候
命下本部移咨兩直各省除齊泰黃子澄外其方孝
孺等連累發遣親故不拘見在死絕遵奉

明旨查將冊內軍名一槩除豁不許復行勾提云云
本月八日奉

聖旨是

是年三月六日禮部尚書陳經邦覆云云委應
遵奉先年 詔旨及依御史屠叔方所奏以慰
忠寬以激臣節本月八日奉

聖旨是

明年二月江西撫按亦題前事是歲豁除報到陝浙江福軍丁一千七百六十二名

一

萬曆二十三年九月二十一日禮部尚書范謙一本累朝闕典究竟難湮懃乞

聖明及時修舉以成

祖德以允 正史事奏該禮科給事中楊天民題前事四川道御史牛應元題爲

國史屢修闕典當正懃乞

聖明斷然允行以信天下萬世事各奉

聖旨禮部知道欽此覆看得禮科給事中楊天民四

川道御史牛應元各奏備建文年號向奉革除累葉因循未經議復乞下該部改正以襲

祖德以光正史爲照有一代之君則有一代君臨之位號作史者紀其行事以昭當年之實錄乃

建文年號之革除中外人心終有疑而未安者方今開局編纂大輯國史以傳信萬世則修廢舉墜正在今日臣等備員史局蓋亦常有慨于當日之事矣夫

太祖在位實惟三十一年而三十二年以後安得尚蒙洪武之號建文旣已負宸臨朝薄海內外奉

正朔矣一旦革而除之何以信萬世說者謂一時歸命諸臣避嫌曲諱非出

文皇帝本心臣惟是前代更朝易位非一見矣卽餘分閏位猶得存其年而俾後世有所考建文繼緒孰不知君之有孫特以輔佐非人致發難啟釁旋知天命有屬遽遜位而出亾可謂達天不昧時者顧令名號泯泯乎此其于理似有未順者原所以革除不過欲使後人不復知有建文耳今歷年二百歷世十葉朝野靡不知有建文卽今日之聞已不可塗何況後世竊意天下萬

世自有耳目裨官野史各有紀載而欲以建文之紀年作洪武之虛號得乎此其于勢似亦有難掩者且天下者

太祖之天下國統者我明之國統世世相承以及皇上未嘗有一日間也以

太祖而視後則

成祖建文等子孫耳以我

皇上而視前則

成祖建文均統承也

太祖以天下挈而授之建文所以昭立嫡之大義建

又委天下旋而歸之

成祖益以彰撥亂之弘功

太祖亦何所擇於若子若孫哉以

太祖之所親授而革除之無乃非貽謀之意或亦非成祖善繼之心乎

祖孫一脈血氣原自周流而因此廢彼該科所云宗誼之謂何此其于情亦容有未愜者況乎師曰靖難兵非無名有順天應人之機無更朝易肆之舉彼亾而此帝何嫌何疑而假揜飾乎蓋揆之于事亦似有不必爾者夫于理于勢于情于

事皆可而革除何難一舉復乎

太祖定天下首命儒臣纂修元史且謚元主順帝我
成祖卽位初猶僭建文爲少帝而一時在位諸臣尚
有不念舊惡之旨至于我

皇上登極一詔內開革除被害諸臣令各地方有司
祀于其鄉其墳墓儻有存者仍厚加卹錄而萬
曆十六年允本部題票司業王祖嫡之奏特復
景皇帝實錄俾纂修改正仰見我

二祖正大光明之業等于天地而我

皇上淵弘充塞之心同符于

二祖也夫元史可修柰何失其實于當代勝國之君
可謚柰何削其號于本朝景泰之位號可改柰
何斬其名于建文一時死事之臣尚可褒卹柰
何遺棄其君而今湮沒于百世之後由斯以談
不獨非

太祖之心非我

皇上之心卽

成祖之心亦有不自安者矣方今

聖明在上善繼善述表揚

祖德祖功以彰大孝臣等亦不敢妄生意見別議更

張而建文位號在昔年原無降削之文亦無憑
議復惟及纂修之時特命秉史局者于

高廟實錄中摘洪武三十二年以逮三十五年遺事
復還建文元年二年三年四年以存其年號仍
修葺爲少帝本紀示不泯沒而其間疵政過舉
自不能曲爲隱諱

成祖靖難之烈固奕世而有光而建文在位之蹟亦
同殷監而不爽慰幽魂于九原昭大義于天下
微顯闡幽信今傳後其裨益國體而增光
聖德非渺小者伏候

聖明裁定，惟復以鉅典湮于累朝，正史創于今日，而公論聞于百代。義不厭乎詳審，且史局初開，屬艸正難，遽定或俟纂修。

帝紀聽總裁閣臣題請

敕下多官，虛心會議，容臣等別行題請，定奪奉聖旨。建文事蹟著附載。

太祖高皇帝紀之末，仍書其年號，欽此。

述公議六條

一
永樂中人才官高文雅言時政首舉建文事宜

一
弘治中楊守陳文懿公曰國可滅史不可滅我
太祖定天下卽命儒臣撰元史靖難後史臣不紀
建文君事遂使建文數年朝廷政事及當時忠于所
事者湮沒不傳及今采輯尚可補國史之闕

一
弘治中吏部侍郎儲瓘曰方正學一時諸公必

不可泯又曰革除節行之士在永樂初猶見志
尚所在某念其忠于所事嘗欲蒐羅遺事稍發
其潛

弘治中中台人繆恭給事中吳世忠言封後表
祠事見前

嘉靖中給事中楊傑請表建文臣見前又某官
曾某主事楊循吉表請崇謚

建文得以元順帝

景皇帝爲比

以親當視
當視元帝

景皇帝以避位
一載弘治中

萬曆未改元七月閣臣張居正奏祠建文臣一
款萬曆十二年御史屠叔方奏推廣明詔大慰
忠靈事十三年江西巡撫馬文煒巡按韓國禎
各一本忠臣已褒外親未宥事未詳十六年司
業王祖嫡奏請復建文年號事未詳二十三年
給事中楊天民御史牛應元各奏請復建文年
號事見前又通政使沈子木有奏未詳御史慎
蒙有奏未上近辛丑館課有祀建文議未詳又

禮科都給事萬象春奏乞舉陵廟曠儀事未詳
諸奏請廷臣并奏艸不得詳知姑識其略于
此

建文書法儼十六義

一書 皇孫生書冊爲皇太孫書遺詔嗣皇帝位

儼曰本始也

一書 建文本紀

儼曰列帝紀也一姓鼎革前後自不相嫌也

一書 建文年號

儼曰復革除也書成之明年適會

今皇帝復年號盛德事臣鷺誠不意身親見之踴躍

山呼書遂出焉

一書止 諸王臨葬

儼曰謹爨始也建文亡國二大端削親藩更
祖制而已而止臨葬實始爨

一我

成祖文皇帝靖難兵未起前書王

儼曰猶藩位也分注踰僞皇帝云

一靖難兵起後諱王不書迄入京止僞靖難兵

儼曰明有尊也實明有親也

一書兵戰除兵起北征二義外俱從耦敵體

書攻克類

儼曰通春秋義例之窮也尊親并也

一書大內火帝以崩聞

擬曰名崩而孫實也書崩非實書孫無以葬

一帝崩日仍書王

擬曰帝崩而統有歸也

一書革除建文年號僞洪武三十五年遂絕書

擬曰所感而起因以爲終也

一書諸死節臣詳邑氏履歷否者略或不注

擬曰內忠也又經事洪武繼事永樂者自悉

兩朝不贅故

一諸臣死革除日以後者不得大書仍總附書

擬曰書終革除日不及其後也附書曲存之也

一諸臣事蹟不詳年月者止因類附注不大書

擬曰大書例年月也附注權例也

一分注姓名及論贊標題皆白書

擬曰便稽覽也論贊率闡前人所幽故不徧及

一書法事繫月月繫年而其紀事綱提目目承綱

擬曰遵左氏編年子朱子分注也

一紀事紀言卽修殘理禁不自埒會其文之蕪句
之陋字之不法者多芟更多委曲

擬曰信傳信法也潤色前人則不嫌代匠斲也

十六義

建文皇帝年表

二祖
嗣統四年作
建文元年表

洪武三十一年

夏閏五月辛卯
嗣皇帝位

建文元年

建文二年

建文三年

建文四年

夏六月乙丑靖
難入京

帝孫去以爲聞

秋七月壬申北
平靖難兵起

冬十二月

易書冬十二

月

文皇未改元猶

建文年也

荒史氏曰史記年表大抵爲諸侯王廢興作也
建文何以孤表年耶曰自洪武稱三十五年而
建文若無年矣擬所爲表建文年也書祖新安
而法兼龍門者何居曰譜忠臣亦前古所未有
也天子表年而諸忠列譜建文一朝如睹余蓋
以義起耳然則曷不兼表諸侯王曰懼耦列也
且擬專存年譜所遺漏者多矣

正史將作秉筆者自有備義擬直發其端耳

建文諸忠臣譜

衡命非詰立天地常儼建文諸忠臣譜

公

魏國徐輝祖 死獄

徐欽 乞守墓謫

開國常昇 一本置死

侯

越俞通淵 死戰

長興耿炳文

樂城李堅 被執道死

安陸吳傑

江陰吳高

歷城盛庸 後暴卒

駙馬都尉

梅殷 擠水死

耿璿 後論死

胡觀死戰李祺 水死

翰林院春坊一人附

文學
博士

方孝孺

抗死族

侍

王

逢

自經

樓

璉

自經

侍

唐愚士

附書

修

王叔英

自經

編

王

良

自鳩

程

濟

從亾

劉

現

陳

忠

不屈

春坊

林

右

後劓

侍

書

宋

懌

史

仲彬

中書舍人

宋

和

行遜

梁良玉

行

郭

節

俱遜

吏部

尚書

張

紘

自經

毛

太

自劓死或作毛大亨

戶部

侍郎

卓

敬

抗死族夷

盧

迥

不屈

郭

任

子經

禮部 事巨 敬不屈死

禮部

書尚陳 迪抗死子侍 六人俱中

黃 觀赴水死

侍 黃

魁不屈死

兵部

書尚鐵 鉉抗死二子俱

齊 太遠死從兄弟俱

陳

植不從死

侍郎 徐 垕

邊 昇不屈死

主 事 樊士信族死

刑部

書尚暴 昭抗死

侯 太不屈死侍子弟俱

郎 胡子昭不屈死

張 曷首死難

金 某徵兵出被縛

主 事 徐子權自經死

工部

尚書嚴震直

後經

侍郎

王景彰

言葬禮

董

倫

侍郎黃福

六科

給事中

陳繼之

不屈死作

韓

永

不屈死

龔

太

黃鉞

赴水死

御史府

都御史

茅大芳

不屈死

陳性善

赴水死

副都御史

練子寧

抗死

韓宜可

言御史大夫

景清

死犯左

周

璿

不屈死

司中

不屈死

黃

清

抗死

曾鳳韶

自殺

魏冕

自殺

高

翔

抗死

董鏞 死不屈

鄒朴 憤死

王度 死不屈

甘霖 死不屈

王彬 死不屈

謝昇 死不屈

葉希賢 行遜一作逮死

鄭公智 死方黨

王玘 死黨

尹昌隆 言事

韓郁 言事

丁志方 死不屈

左拾遺

戴德彝 死不屈

大理寺

少卿胡閏 死不屈二子俱死

薛嵩 少卿學士 高異志

寺丞鄒瑾 死不屈子俱死

彭與民 死方與明非 王高 死方黨

劉瑞 死方黨

太常寺

太鄉黃子澄速死族夷

盧原質死方黨族夷

廖昇死方黨

尙寶司

司丞李得成

國子監

祭酒張顯宗附書

博士黃彥清後諭死

助教王紳附書

欽天監

監副劉伯完附書

宗人府

經宋徵不屈死一作徽

布政司

參政 鄭居貞 死方

參議 楊砥 言事

理問 徐讓 死赴敵

按察司

使察 王良 死自焚

李文敏 死不屈

副使 程本立 死自經

命事 湯宗 死不屈

林嘉猷 死方

胡子義 行遜

葉砥 附書

諸王府

燕長史 葛誠 首死谷長

劉璟 執死

燕伴 余逢辰 死諫

衡紀 善 周是修 死自經晉長

龍鐔 死不屈

遼長史 程通 死不屈

寧長史 石撰 死不屈

建文書去疑 頁

府

知府

姚善

王死勤

王

王

璉

勤王

葉惠仲

死不屈

徐安

孫鎮

劉有年

楊任

死黃黨

陳彥回

不屈死

即黃希范

石允常

諱

王禎

蕭用道

直史

附書

州

蔡運

死不屈

吏目鄭華

死不屈

不食

縣

顏伯瑋

自經死

子鄭恕

城破不

屈死

張彥方

死勤

王

向朴

城破不

屈死

丞衛健

死赴敵

劉亨

附書

周縉

勤王

王

唐子清

死不屈

史典

黃謙

城破不

屈死

周縉

勤王

魏澤 附書

學教授

王省 死聞

陳思賢 赴京死

訓導羅悛 附書

林大同 召

豐寅初

參軍斷事

高魏 自經死

錢芹

都督府都督

耿璣 後論死

劉貞 後死

廖鏞 死方

甯忠 後死

徐凱 後死

平安 後死

趙清

孫岳

袁宇

建文書法錄 額

潘忠

楊松死戰

馬溥

陳暉

楊文

程暹

衛所

都指揮使謝貴首死

彭二死戰

馬宣不屈

朱鑑執死

瞿能死戰子某俱

卜萬

宋忠不屈死子謙後死

余瑱不屈死

彭聚死戰

滕聚死戰

孫太死戰

莊得死戰

陳質不屈死

楚智死戰

皂旗張死戰

房昭

韋諒

唐禮

葛進

孫狗皮

鄧戩

陳鵬

薛明

何清

指揮使

崇

剛

不屈死

宋瑄

瑄

死戰

盧

振

首死難

王

資

後死

張

儉

後死

趙

諒

憂死

張

壽

死言

曾

濬

不屈死

楊

本

被執死

丁良

朱彬

賈榮

火耳炙

哈三帖木兒

小馬王

戰死

孫晟王貴俞琪趙詳胡原李英張傑劉璣朱榮
花英鄭琦王恭林帖木兒詹忘詹璟婁鬼里

千戶倪

諒

後死

蘇

瑛

周拱元

後死

失爵號

梁田玉

行遜

梁良用

遜死

梁中節

行遜

何洲 行遜

郭良 行遜

高不危 死未詳

牛景先 遜死

馬坤 死跡未詳

朱寧 棄官去

失姓名

尚書徐

奉祠何 詳

松江同知 死

衣葛傭 行遜

塞馬先生 行遜

東湖樵 行遜
耶谿樵 死

老補鍋 行遜

雪菴和尚 行遜

雲門僧 行遜

洞庭居士

玉華山燕 披麻終隱

樂清樵夫 死

疑官

張琳

程亨 名見教林力錄

鄒文壽 死練

鄭楷 附書

張烏仔 死練

朱進

杜奇諫死

陳子方元

黃墀元

進士陳周

舉人劉政死方

秀才

伍性原死赴京

陳應宗元赴京

林珏死赴京

鄒君默死赴京

曾廷瑞死赴京

呂賢死赴京

高賢寧

夏杲

布衣

王稔

王賓

韓奕

俞貞木

袁杞山

袁顥

楊

福

俱附書

內官監

吳

亮

一作誠

長壽

段

實

不屈死

戊卒

龔

詡

大慟去國

儲

福

不食死

羅

義

皂隸茅印仔

已上通計二百八十七人死者百八十有一

其不在死忠數者忠之屬也得八十九人行
遜在其內附書者非必忠之屬也亦以行學

重得十七

此真可待知者

建文書法擬

前編

東吳荒史氏臣朱鷺

原名
家棟

太祖高皇帝本紀

內

洪武十年十有一月己卯皇第三孫允炆

生

懿文太子繼妃

呂氏出

皇孫性慈

慧童 年卽敦孝友節所好詩書及古典禮

文章 洪武二十三年夏六月

懿文薨發于

背痛甚號呼不絕口

皇孫年十四含淚撫

摩晝夜不暫離聞號呼聲卽惶惶若不欲生

親吮吸之周帀蓋旬餘始愈

太祖聞之呼

侍盥問狀得其實歎曰有孫如此朕復何憂
更二年懿文疾甚皇孫入侍曲盡苦心及薨
哭踊哀慕事事如禮水漿不入口者五日
太祖撫之曰毀不滅性禮也而誠純孝獨不
念朕乎始一啜糜粥欲服喪三年 太祖不
可然三年之內語未嘗高聲笑未嘗露齒不
飲酒食肉不舉樂不御內人勸之則曰服可
例除情須自致三弟皆幼躬撫育之極周居
喪之初日則呼與同堂夜則挾之同寢時其
飲食適其起居隨事寄誨諄懃有加 太祖
每聞輒喜一日臨其宮兄第四人竝侍出句
云兄弟相懷本一身皇孫遽應祖孫繼體宜
同德後 太祖傳位詔云太孫某仁
明孝交海內歸心蓋有所試而云

中

二十有五年九月
冊立皇孫允炆爲

皇太孫告祭太廟

詔曰曩者列聖御

首建儲君朕甲辰卽

王位戊申卽帝位于今二十五年矣選將練
兵鋤奸去梗奠生民于田野用心良多邇來
蒼顏皓首儲嗣爲重九月十三日冊適孫允
炆爲皇太孫奉上下神祇以安黎庶太孫旣
正儲位帝時付萬幾俾佐裁決當是時政
治頗尚嚴覈太孫濟以寬大中外欣戴之

皇太孫小論曰是

懿文太子之仲子而

高皇帝第三孫曷稱太孫曷正儲位曰太

子薨矣長孫雄英先十載卒矣是懿

文出者盡可推而及也以宗
法論也謂之世適臣驚謹識

以宋國公勝潁國公友德兼太子太師曹國
公景隆涼國公玉太子太傅開國公昇全寧
侯恪太子太保詹徽太子少傅兼吏部尚書
茹瑺太子少保兼兵部尚書任亨太子少詹
事兼翰林修撰兵部尚書致仕唐鐸刑部尚
書楊靖兼太子賓客修撰黃子澄兼少詹事

侍讀東宮○命廷臣舉孝義篤行之士鄭濟
王懃爲左右庶子○太孫條改律例奏上可

之

帝閒居太孫侍舉大明律授之曰此酌古準今協禮制宜人情其熟玩以復太孫

捧之退居數日成誦問曰汝熟其文矣能解其義乎曰解因問名例之義對曰名者聖人所以勵世磨鈍也故生人大倫名義爲重維持風俗必名教先以名義名教爲例庶幾刑罰之中不失德義之意曰然此書首列一刑圖次列八禮圖者重禮也但愚民無知如于本條下卽注寬恤之令必易犯法故以廣大好生之旨總列名例律中善用法者會其意

可也。太孫曰：名例律中某條尚覺嚴而不恕，請稍改之。可乎？曰：試率爾意改來看。因更定五條。明日呈稿。帝喜曰：甚善。因跪而請曰：明刑所以弼教，凡與五倫相涉者，宜皆屈法以申恩。今律中所定期于盡法而不必于原情，竊所未安。曰：凡所未安者，汝悉改之。遂遍攷禮經，參之歷朝刑法志，改定七十三條。帝覽竟大喜曰：吾當亂世，刑不得不重。汝當平世，刑不得不輕。所謂刑罰世輕世重也。如後用刑，皆宜遵此。又語太孫曰：吾平日用刑雖重，然所誅戮者皆極惡無道之人。去此惡人，正以保全善人。如去莠所以養苗，非厲苗也。太孫曰：殺無道以就有道，仲尼不以爲然。未若修德以風之。但愧上之德薄，何憂民之

難化 帝笑曰爾言是也 帝聽政每震怒

輒誅夷狼藉一日退朝而怒猶未解太孫迎

問云何怒之深也曰有累犯法而奸惡異常

者不得不怒曰上失道而後下犯法如得其

情哀矜勿喜是或一道也 帝不覺氣平笑

曰汝能不怒乎明日有常州陳理以子弑父

送太孫處分太孫從容詳審竟脫之理父原

抱病經年誤服一藥而斃繼母素憎其子因

力証成之無以自解太孫條其情而讞之

帝未之信也拘鄰里婢僕及原暨訊之乃知

父向患火症庸醫鑿誤認爲寒藥中潛投附子

主人不知故服之而暴卒耳 帝驚曰有是

哉刑不可不慎也太孫不獨仁而且明朕無

憂矣一日邏者獲強盜七人命送太孫審太

孫

孫一見卽疑首盜非真訊之果係主人之子
偶出庄上而佃客皆盜也是夜正謀劫商舟
遂強之同行歸欲首明而先被獲帝覆審
盡得其情釋之問太孫曰爾何以知其非盜
對曰周禮聽獄色聽爲先尙書亦稱惟貌有
稽效見其人雙眸炯炯視聽端詳定非盜也
帝因嘆曰決獄者不可不讀書太孫卽位後
屢進刑官諭之曰大明律皇祖所親定大
意雖准唐律亦遍攷歷朝刑法志參酌而成
朕先年受命細閱今律校前代律往往加重
蓋刑亂國用重典非百世通行之法也朕當
時改定七十三條皇祖已命施行然罪可
疑情可矜者何止此也律設大法禮順人情
齊民以刑不若以禮其傳諭天下有司務崇

禮教赦疑獄嘉與萬
方共享和平之福

二十有八年冬十月冊馬氏爲皇太孫妃

孝慈皇太后猶女
也光祿卿馬金女

二十有九年八月詔議諸王見東宮禮

禮官

議諸王來朝冕服見天子畢次見東宮于
文華殿行四拜禮東宮坐受其敘家人禮後
殿東宮及王俱常服王西嚮坐東宮東嚮四
拜王亦坐受已敘坐東宮正中南嚮諸王列
東西奏冬十月晦皇曾孫文奎生

帝不懌
曰月日皆

終其不歿乎革命日
年六歲矣莫知所終

寅三十有一年閏五月乙酉遺詔皇太孫允

炆嗣皇帝位○止諸王臨葬

高皇帝崩于初十日乙酉遺

詔曰朕受皇天之命膺大任于世定禍亂而
偃兵安生民于市野三十有一年憂危積心
日勤不怠專志有益於民柰起自寒微無古
人之博智好善惡惡不及多矣今年七十有
一筋力衰微慮不獲終幸得萬物自然之理
其奚哀念之有皇太孫允炆仁明孝友天下
歸心宜登大位以勤民政中外文武臣僚同
心輔佐以福吾民葬祭之儀一如漢文勿異

布告天下使知朕意孝陵山川因其故無改諸王臨國中無得至京所在文武吏士聽朝廷節制惟護衛官軍聽王詔下諸王不說謂計由齊尚書時太與受顧命也

止諸王臨葬論

日止諸王臨葬計無

失于此者上下從茲隙矣禮天子七月而葬同軌至異姓將猶須之況親

高帝子孫弗葬誰能忍之不勝忿忿生

心固然曷足怪乎當是時海宇未波堂構方宴諸王分雖尊勢雖重其必不因父喪以爲利起干戈于苦塊之間何虞之謹也明示以猜而欲人之無猜得乎齊黃短謀已見崕略加以方正學之迂貞日求更化而曾不虞難盡趣亾之器

豈保定之材也特其烈烈而死挺豎于
秋名義無罪不贖耳夫以

太祖之神聖而顧命遺臣猶然有此信乎得
人難也臣鷺謹識

皇太孫治喪禮

太祖崩于西宮 太孫披

儀悉遵周禮于是倣金滕遺制前朝後殿左
右角門及西宮內寢各設座如生存凡十一
所有久不御者卽以香湯灑掃之陳祖訓于
東直殿設重器于西直殿京官四品以上朝
服執鉞立于諸陛之上自初十以至十六日
哭臨如禮晝不飲勺水夜不就枕簟先是
太祖不豫多暴怒遭譴戮者甚衆太孫入侍
事必躬承服藥則親嘗以進去後則親扶以

起唾壺溺器之屬靡不手提以獻而愉色婉容藹然可掬 太祖氣亦漸平多所全宥當
深更夜分侍衛酣寢際呼無不應應無不起
蓋終夕未嘗交睫也太孫素豐腴至是哀毀
骨立矣是日諸大臣逆之于大明門外羣臣
百姓望見其毀瘠之容淡墨之色與哭泣之
哀莫不舉手加額曰天子純孝舉喁喁然有
至德之思焉靖難錄誣稱太孫奉 太祖靈
與后父呂本同祀西宮
嚴禮之主斷不然矣

燕王入臨未至還

文皇將至淮安齊太言
上急出敕符勒歸國也

燕王入臨小論

曰難端見矣遺詔先之

也父死不奔喪其何以令敕符勒歸重

猜貳耳曷益乎若詔書未至而

文皇先來弗可止也其不奉詔亦弗可止也

臣鸞

謹識

辛卯皇太孫卽皇帝位○葬

孝陵

靖難錄稱不一

日而斂七日卽葬

葬核矣斂日未詳詔以明年爲建文元年大

赦

詔曰天降下民作之君我

皇太祖高皇

難凡事有益于天下者無所不用其心政教
俸明規模宏遠朕以眇躬纂承大統恭依遺
詔于洪武三十一年閏五月十六日卽皇帝
位夙夜祇懼思所以克相上帝以無忝

皇祖之大命永維寬猛之宜誕布維新之政
其以明年爲建文元年大赦天下於戲德惟
善政政在養民當遵先聖之言期
致雍熙之盛百弼卿士體朕至懷

詔行三年

喪禮

上欲行三年喪有司執例以請上出諭

曰三年之喪自天子達于庶人先太子
殂向欲終之而不可得茲當大故敢不如禮
有司奏曰天子之孝與庶人異當以宗社生
靈爲重惡得徇庶人之節况遺詔在乎復傳
諭曰魏文帝胡人也猶能守禮况朕讀書知
禮義不能遵古先王之定制爾等不欲朕行
古禮是謂吾君不能也有司復奏曰陛下欲
行三年之喪非敢謂不能也但郊社宗廟之
祭不可久虛朝貢訟獄之繁不可暫廢故漢

文詔以日易月而歷代因之遺詔諄諄欲一
如漢文行事其慮甚遠願陛下少抑至情俯
循衆請復諭曰朕非敢效古人諒闇不言也
郊社宗廟朕將執紼而行事朝貢訟獄罔敢
不親但朝則麻冕麻裳退則齊衰杖經食則
饘粥有何不可不然食稻衣錦爾輩真以爲
安乎群臣奏曰陛下既不廢政事而
自致哀情敢不惟命遂定儀注以進

詔薦賢

才

命内外文官五品以上及縣令
舉薦賢才定保舉失人連坐法

六月甲辰

上 皇祖考大行皇帝謚曰欽明啟運俊德

成功統天大孝高皇帝廟號太祖皇祖妣孝

慈昭憲至仁文德承天順聖高皇后尊母呂

氏爲皇太后

呂太后壽州人父本累官太常卿文皇門金川時遣人逐

太后至述不得已起兵之故太后未還宮火起依徐王允熈居焉無何遷居太子陵不知

終所以中書舍人蹇義爲吏部右侍郎戶部主

事夏原吉爲本部右侍郎○立孝陵衛○革

冗員○初省州縣

詳朝野編

機局

曰撫世取民代有

機局紹洪武後而不知安靜以需至治

是失局也

建文上志切養民而所爲多矣四年之間今日省州明日省縣今日并衛明日并所今日更官制明日更勳階宮門殿門名題日新雖以干戈倥偬日不暇給而曾不少休一何擾也傳曰琴瑟不調甚者乃解而更張之當時甚乎不甚乎而樂此紛紛乎是正學之過也然在後世民殘于多牧祿縻于冗員重以中官出使道路繹騷則汰官省邑二事固亦有足采者未可謂建文時政

畢竟非也臣鷺謹識

命兵部尚書齊太常寺卿黃子澄

太子澄
晉秩俱

不詳

同叅國事

太受顧命而

上爲太孫時

日月

之也

按

溧水人初名德洪武二十一年

舉進士

歷禮

兵部主事以九年無過得陪祀

郊廟賜今名

太祖嘗問太邊將姓名太歷

數無遺問諸邊

圖籍太出手冊袖中簡盡奇

之既輔政與子澄議凡親王有罪輒除國嘗

使北平有賂受歸請爲兵費上益嘉之北

兵起太專主籌畫命將出師明年勉謫太子

澄既去益急復召還未及入聞變太走廣德

欲往他郡起兵被執見文皇不屈死從兄

第俱叔輩外親悉遣戍姊及甥媳俱發教坊

司一女守節不汗後出嫁兒甫六歲給配教

還今其子孫猶存故居稱尚書舖云嘉靖中

嘉靖中

知縣謝廷蒞祠祀太武名湜以字行分

宜人少有文行洪武十八年舉禮部第一授

翰林編修累至今官上爲太孫時憂諸王

子澄對曰漢七國非不强卒底滅亾小大强

弱之勢不同而順逆之理異也喜之每呼黃

先生卽位謂曰先生無忘東角門之言未幾

周王得罪上以書諭北平北平爲曲解子

澄曰燕周母兄弟燕王出塞有功威名日

盛今不併去燕後難圖於是出兵開平諸鎮

與齊太協謀備北平後謫出密令募兵于外

子澄故善蘇州守姚善歸之革命日爲湯百

戶執至京不屈死之妻妹發教坊司一子徙

湖廣咸寧家焉其九族外親逮戍者四百餘

人累及楊任附楊廷嘉興人至孝嗜學國初

以人才擢知袁州府宜民見知黃子澄子澄約姚善航海時善不可乃至任家謀洩俱被執任亦不屈磔于市族誅凡九十三人同邑韋杞山某任俠好義尤邃經學亦與蘇州守交善因交王叔英黃子澄名掛黨籍子澄來蘇謀匡復數至袁楊兩家許千戶既執姚公疾至袁楊而袁先出乃械楊去坐籍沒戍邊者七十餘家而袁一子戍北平洪熙四月復還土田而袁返陶庄戒子孫世勿仕子顯有學行多著述有主德篇紀

建文上德俱杞

山口授當

日睹記事 丙午日赤無光 ○驛召漢中府學

教授方孝孺爲翰林博士尋陞侍講直文淵

閣

從太祖先命也按

字希直一字

希古寧海人濟寧守克勤子幼讀書日積寸爲文淡醇鄉人呼爲小韓子從宋濂遊同門多天下名士一旦盡出其下以明王道闢異端爲已任見典冊所載聖賢遺跡輒願慕之嘗侍父北遊觀周孔廟慨然興歎洪武十五年以吳沈揭薦召見喜其端整謂上曰此莊士當老其才輔汝孺杜門纂述嘗病臥絕糧不起恬如也二十五年又薦至太祖曰今非用孺時稍擢漢中府學教授蜀獻王聞其賢聘爲世子師孺每見必陳說道德名其讀書廬曰正學上卽位首召至侍經筵備顧問一時望重凡大政議輒咨孺孺上好讀書有疑卽召解疏奏可否必命

孝孺就戾前批答嘗獻正心殿銘凝命神寶
頌皆規正君德兵起日詔檄多出孝孺手諸
所更定亦孝孺議居多方召入時同郡王叔
英遺書戒之曰天下事有行于古亦可行于
今者夏時周冕之類有行于古不可行于今
者井田封建之類以孝孺議欲復井田也北
兵至江上孝孺畫策堅守誓死社稷既革命
驟來召不赴逼之衰經號闕下 文皇諭曰
我法周公輔成王耳柰成王不在何對曰成
王子固在 文皇曰國賴長君曰何不立成
王之弟忤旨繫獄捕族黨輒下獄惕之先是
姚廣孝囑 文皇南下必勿殺孝孺孝孺必
不降活之以勸天下好學者故勿遽加害已
欲卹卽位詔召出孝孺自獄衰經見哭數徹

殿陛 文皇降榻勞曰我家事耳先生無過
勞苦授筆札曰詔天下非先生艸不可孝孺
大批數字投筆于地復大哭且哭且罵曰死
卽死耳詔不可艸 文皇大怒曰汝不顧九
族乎孝孺曰便十族柰何罵哭益厲 文皇
震怒遂磔諸市罵不絕口有絕命辭曰天降
亂離兮孰知其由奸臣得計兮謀國用猶忠
臣發憤兮血淚交流以此殉君兮抑又何求
烏虜哀哉兮庶不我尤時年四十有六詔收
其妻鄭鄭已先經死宗族坐死者八百七十
三人母族林妻族鄭五服之親俱盡殉及游
黨鄭居貞盧原質等門人鄭公智林嘉猷廖
鏞等蓋方黃之獄族夷十數殺及萬人矣孝
孺和而貞事親孝篤于師友克勤被誣謫戍

上書乞以身代宋濂葬夔州李孺自漢中徙
往祭墓告蜀王恤其孤嫠志慕古欲見之行
事不得竟其效所著有遜志齋集四十卷周
禮考次大易枝詞武王戒書註帝王基命錄
文統宋史要言宗儀九篇及箴誠等洪熙初
詔從寬典立祠祀焉或曰錄方氏時得典史
魏澤周旋匿其幼子以故尚有後謝文肅公
詩孫枝一葉是君恩謂此附**節居貞**徽州人
豐頰美姿髯以父潛官閩中從貢泰甫尚書
遊舉明經洪武中授鞏昌通判陞禮部郎建
文時試河南叅政三年吏民信愛之後坐方
黨死于南京善詩文有閩南集關隴行藁歸
來藁檜廷藁隨闕藁子孫畱居福州之瓜山
遂爲閩人方孺孺教授漢中也居貞送之詩

曰翩翩紫鳳雛羽翮備五彩徘徊千仞翔餘音散江海于焉覽德輝濟濟鏘環珮天門何嗟峨羣山久相待晨沐晞朝陽疲息飲沆瀣如何復西飛去去秦關外岐山諒匪遥啄食良自愛終當巢阿閣庶以鳴昭代

盧原質字希魯寧海人父中母孀姑洪武二十一年進士第三人授翰林編修已陞太常少卿建文朝屢建白時事革命日不屈死之族其家

鄭公智字叔貞寧海人力學好古師事孝孺薦之蜀獻王召至與王語經史數稱述河間東平賢行王說之建文初侍孝孺至京尋舉賢良為御史蒞事精敏持法不阿後坐黨死疑即妻族也

林嘉猷寧海人師孝孺以儒士與修高廟實錄累遷陝西按察僉事坐黨

廖鏞 巢縣人 德慶侯永忠孫 初任散騎舍人

嘗師事孝孺

文皇召鏞諭孝孺 鏞未行 孝

孺曰 汝讀書幾年 尚不識箇是字 既孝孺死

廖兩子拾其遺骸 葬聚寶山 遂收廖死之兩

子 未詳 **劉瑞** 王高 竝南昌人 建文二年進士

竝以給事遷大理寺丞 廉明執法 有嚴竝坐

縱孝孺息樹陰 劓鼻死 **劉** 字仲理 長洲人

元年方孝孺試士 命題託孤 寄命得政 卷喜

曰 此鳥中孤鳳 登書二百十四人 政第一 孝

孺死 政慟哭 不食死之一 本止 稱終身不仕

非 **秋七月** ○召董倫為禮部左侍郎兼翰林

學士

念先朝舊臣也 賜御書怡老堂 按 **董倫**

字安常 恩縣人 僑居宛平 質直有文學

勝國時累辟不出洪武十五年以薦徵爲右
贊善事懿文太子尋陞左春坊學士出叅政
河南已免官典滇南教諭旣召拜屢懇請親
睦宗人不聽革命日致仕出京悒悒數日卒

執周王橐廢爲庶人

秦晉燕周俱高后出
周王初國錢唐以財賦

地改開封二十二年王棄其國來鳳陽遷之
雲南未行復國上卽位有告王反者且謂

通燕湘代岷上召太子澄計太欲先燕曰

燕握重兵素有大志子澄曰不然燕猝難圖

也先取周前剪燕之手足而燕可圖也乃命李

景隆卽討周景隆大索金寶王不能應坐反

執至以竄雲南諸子竝流放已而召還京金

川門開王與齊王迎文皇竝轡登樓相慰

泣得復封或云周王不願封誘前代諸石刻盡有之刊東書堂其上

執廢周王小論曰人臣無將將則誅然以手足骨肉之間有異志無叛徵處之要自有道太上默銷之賈誼之衆建主父偃之推恩是也其次化諭之至再至三而後加討焉猶曰議親之辟不可過也跡周王已事第不能兢兢祇慎法叛謀未布聞也重以貪夫恣索強坐不原逼一王而諸王心戰又可禁乎相繼告變雉雁龍爭卒成大故伊誰咎也大抵齊黃計躁于削國而慮不能遠正學志迂于法古而目不見近人事實錯誤可謂盡天意邪臣鷺謹識

以平江知縣陳彥回知徽州府

陳彥回

字士淵莆田人洪

武中以父故謫戍鎮南會赦貧不能歸依黃
僑黃姓已獲薦明經授保寧訓導陞平江縣
上卽位以文學廉幹知徽州府元年受循良
賞是冬祖母郭卒亟重徽父老忝京乞畱屢
疏終喪不許勉蒞郡卽葬郭徽之北山時時
哭墓下徽人名爲太守山復姓陳除其弟彥
困戍籍北兵至江上彥回力糾義勇勤王
無何械至京死之籍其家妻屠見教坊錄以

張鳳等世錦衣衛千戶

此謂朝天女戶皆
西宮殉葬父兄

燕

簡壯士爲護衛

上以周王得罪書諭燕也

八月勅魏國公

輝祖兼太子太傅練兵山東

備北藩也按徐

子身長八尺五寸負志卓犖洪武二十一年
嗣封嘗侍懿文太子學通經書大義妹爲
文皇妃而心在帝室時密道燕情上特信
任之北征屢有功又禦戰城下革命日武臣
畢迎附獨公不屈始終無有推戴意至法司
迫取供招公默然不出一語惟書其父開國
功勞子孫免死而已文皇大怒以元勳國
舅寬之奪其爵尋幽繫五年春卒于獄年四
十其長子欽嗣封固乞守墓怒
文皇謫居中都卒嗣封詳永樂中

魏國父子贊曰

夫女第在燕而弗爲牽

也一姓嬪命而弗爲假也棄元勳世爵

之享而縲繼幽囚以死弗為悔也豈非
世臣之極忠乎胤子固乞守墓惜焉心
傷儻亦有耻食周粟之思焉父子烈烈
存歿生光哉世見增壽貳心以為一門
正氣遺恨不知天開中山俾南
北世封以食報無窮也鷺識

賜太學諸生高等襲衣束帶歸省親
祭酒程師周言

諸生不可不使知大本其有三五年不歸省
者令歸省孀養佗日出仕庶諳忠君先是

上閱斯文不古思所以復之方孀孺亦言近
代文字好奇三吳尤甚因責祭酒考次優列

者賜歸省士林相
矜以為太平盛事
召王景彰為禮部右侍郎

兼翰林侍講

按

王景彰

名景以字行松陽人

謫雲南

上召入與修

高廟實錄已事

文皇文皇問葬

上禮景頓首言宜用天子

禮從之附

平達

字達善無錫人洪武末爲大

同訓導過北平禮于

文皇後以姚廣孝薦

陞翰林侍講

文皇嘗問建文對曰建文君

亦可與爲善顧輔導非人耳一日難達以十

難字達識其入

文皇曰更有難字難

汝達服銀屑死頗憐之命有司歸其喪

茹瑞

免張統爲吏部尚書

瑞爲吏部尚書甚貪鄙

之統代按

張統字昭季富平人洪武初舉通

經爲東宮侍書才識通敏

太子器重之十

五年雲南平出統右叅政時雲南新隸百凡
荒陋土俗貢賦典儀法今悉統裁定夷民孚
樂二十六年治行天下第一命吏部勿考賜
璽書 上卽位拜今官時笏求遺逸曰集闕
下率聽統試統鑑識精絕各當其材爾能得
士革命日召統及王鈍諭曰卿二人久事

皇考習知典故今皆老矣其解職務給尚書
半俸居京師視時政有戾舊制者直告朕無
隱庶稱厚望老成之意
統出自經于吏部後堂
徵江西處士楊士奇

克寶錄編纂管

將修 太祖實錄也統得士
奇策曰明達時務有用之才

獨文詞工耶奏第一○野記言士奇在宣德
朝請 張太后三事一修建文實錄用年號

一弛考孺文字禁王世貞攷誤以爲無之

以雲南布政使陳迪爲

禮部尚書

按陳迪字景道宣城人祖宥賢國初從征調撫州因家焉迪儻有

志操洪武八年薦辟郡學訓導尋拜翰林編修累至今官三年加太子少師北兵起上疏陳大計受命督軍儲于外過家不入聞變輒赴京師慢罵不屈文皇命熬其子之肉以噉迪問味何如迪咽旣曰忠臣孝子之肉自香與子鳳山丹山六人同日凌遲死衣帶中得詩有千秋公論明于日照徹區區不二心之句蒼頭侯來保者拾其遺骸歸葬計家橋族姻悉逮戍洪熙初得釋還本邑有祠祀迪

增國子監司業以學

錄張智爲之○征夷將軍都督何福副將軍
徐凱進兵征百夷平之○九月某日長星西
隕有聲如雷○征虜前將軍雲南總兵西平
侯沐春卒

遣祭護喪至
京師謚惠襄

○冬十月某日熒惑

守心○十一月征南將軍總兵顧成班師還

京賞勞各有差○謫解縉河洲衛吏

來奔喪
也洪武

未縉官監察御史今歸學
十年擢用未及期來故謫詔舉山林才德士

○監察御史尹昌隆言事嘉納之

上偶感微寒視朝稍

宴尹昌隆諫曰

高皇帝雞鳴而起昧爽而

朝未嘗日出臨百官百官於是乎戒懼故能
庶績咸舉天下安也陛下嗣守大業宜繩祖
武憂勤萬幾今乃溺于宴安日刻甚宴猶未
臨朝群臣宿衛疲伺廢業上下懈弛臣恐播
天下傳四夷非社稷福也左右曰以疾諭之
上曰不可直諫難聞于是詔曰昌隆言中朕
過禮部可頒示天下朕亦用自警昌隆太和
人字彥謙詳後

以工部侍郎張曷掌北平布政司事

謝貴張信爲北平都指揮使

時藩府相繼告變尤忌燕大臣

言藩國所在宜簡精強謀略有威望者爲守

臣惟昺北平與貴竝受密命按

張昺

澤州人

洪武中舉人才官累至今官已死難屍得還

葬妻某見教坊錄

文皇嘗夢昺被髮爲厲

命焚其屍面色如生

謝貴

起錦衣衛負智

遣

勇以濟太薦有是命已同昺死難信詳後

代王桂如蜀

時蜀王以賢聞而代王貪虐懷不靖方孺請以德化導之故

有是命

齊王搏有罪召入京畱之

王有異謀見告上不卽罪

也以福建左叅政王鈍爲戶部尚書起鄭賜

徒中爲工部尚書○黃福爲右侍郎○十二

月辛丑朔帝省牲郊壇○封右都督沐晟嗣

西平侯○召宋懌還京以爲翰林侍書濂孫○

以進士曾鳳韶爲監察御史按曾鳳韶廬陵人洪武末進士

嘗使北平請罷兵不聽革命日召復御史不至尋加侍郎又不至刺血書憤詞襟上曰予生廬陵忠節之邦素負剛鯁之腸讀書而登進士第仕宦而至繡衣郎旣一死之得宜可以含笑于地下而不愧吾文天祥屬妻李子公望曰我死勿易衣遂自殺時年二十九李亦守節以流人劉有年知太平府按劉有年廬陵人徙

沅洲洪武中起明經爲御史學行著聞辭官
養母忤旨謫通州讀書不懈得儀經十八篇
于州故家上之詔藏祕閣上起有年徒中四
年坐不肯迎駕謫雲南西平侯知其賢遣諸
子從學且薦于朝及交趾

召韓宜可爲副都

御史

韓宜可未詳何許人初爲山西布政使
謫雲南召人力言諸藩王當從寬大密

加防範勿遽
誅討不能從

陞何福右府都督同知勞賜有

差○詔賜明歲天下田租之半

詔曰朕卽位
來小大之獄

務從寬省獨賦稅未平農民受
困其賜明歲天下田租之半

前編畢